



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Frater Adolphus hydriam lactis in caput suum effundit.

[urn:nbn:de:hbz:466:1-70444](#)

Ad te benignis dentibus salutandum,
Nocturnus hospes hospitem, diurnusque?
Tandemque, tanta si libido scrutandi est,
(Ut hanc Calendis Ianuariis strenam
A te reportet, abs Adamico lapsu
Scrutationis impiæ pater dæmon,) ¶
Scaturientes perdiuisque pernoxque
Scrutare caligas, dum vacabit, Herodis.

*Frater Adolphus hydriam lactis in
caput suum effundit.*

Ex Bellarm.de Transl.Rom.Imp.c.2.

S Acer Ordo, fune gloriosior, velut
Regum monili, verius dicam, velut
Superium monili, pace non liceat tuâ
Huc deuocare de tuo Adolphum Grege?
Comes Holtatarum magnus Heros is fuit:
Census, honores, & voluptatem leuis
Non æstimabat pulueris dipondio.

Vxore cælo redditâ, domi duo
Olli fuere filij, ambo floridi
Aetate, formâ, viribus. Facto his vale,
Cucullum Adolphus pauperem sub nobili,
Francisce, contubernio sumit tuo.
Illic inediæ cultor improbissimus
(Sit venia verbo duriori) dirius
Generosa crucians membra, quam efferri queat,
Gratusque Superis victimarius sui,
Sic se ipse iugulat, sic ad aras immolat.

Dum manè quodam fortè cum socio pare,

Per

Per rusticana subditorum limina
 Olim suorum corrogat Sodalibus
 Mendicus escam; contigit, luto ut graues
 Irent ab onere vterque sudantes suo,
 Irent anheli: mixta sed piis pia
 Alloquia precibus, & preces suspiriis
 Iactis in altum, leniebant sarcinas.
 Socius gerebat manticam grauidam stipe,
 Genus omne panis, candidi, gregarij,
 Et furfurosi, saepè mures & situm
 Sapientis: inerant dona gentis rusticæ
 Sectilia porra, rapa, poma, brassicæ.

Sed grandem Adolphus hydriam, pari stipe,
 Genus omne lactis, & serosi, & mucidi,
 Et forte menses aliquot obliti in penu;
 Bonique floridiique perauxillulum.

At at cohortem conspicantur eminūs.
 Hos inter eminere Principes duo,
 Circumpedesque post & antè plurimos,
 Specie iuuentā, veste, pileo pares,
 Conchyliorum delibutos sanguine.
 Erat videre saltitabundos equos
 Sinisterorsum, dexterorsum, nunc iubas,
 Nunc capita venditare crebris nutibus,
 Et reduplicati poplitis volumine,
 Sese intuendos & sibi & aliis dare
 Phaleris & auro nobiles, gressu arduos.
 Equis, equitibus, alta vericolor caput
 Pluma superexstat: & propinquant: & suum
 „ Socius Adolphum commonet: Nati en tui,
 „ Adolphe, vero verius, sunt hi tui.

Hic totus animi pendet, ac tacitus sibi

Susurrat: Ecquid hydriâ fiet meâ?
 Seque ipse tuitus, hæret hoc ipso magè.
 Erat instar hirci barba longa, olida, hispida:
 Manus atra, callo dura more marmoris:
 Pedes lutati, vestis attritissima,
 Hinc inde panno dispari circumfita,
 Et funis ipse præ senectâ tricies
 Fractus, redierat tricies nodum in nouum.

Quid faceret? aliò digredi negant viæ,
 Et aliquis vltra progreedi vetat pudor:
 „Ergóne parentem luridum ac inglorium,
 „Et hac gerentem fœtidâ manu hydriam
 „Nati videbunt? quid animo voluent suo?
 „Quæ verba rumpent pro pudoris, pro pizæ
 „(Si forte pietas hæc erit) bilis modo?

Fatebor. Illud passus humani fuit:
 Aliquid ruboris exoleti marcidas
 Genas notauit: sed notari vix volens,
 Sed & breuiculum: námque mox metum exuens,
 Adolphum Adolphus induit, magno impete
 Animoqüe frendens, Siccine, ô nequam Pudor?
 „Tam facile tu me subderes? non est tuum.
 „Tun' me in triumphum duceres? non est tuum.
 „Fert aliquid animus, fert & aliquid hinc manus;
 „Videbis & dolebis, hoc erit tuum.

Dictum atque factum: iam propinquis filiis,
 Reuerenda Patris ora noscitantibus,
 Is duplice palmâ lactis hydriam in caput
 Sustollit, & quod inerat, id totum in suos
 Effundit humeros, ora, barbam, brachia:
 Et simul Adolphum sic Adolphus increpat:
 „Itán' erubescis ferre lactis amphoram?

„ Iam capite toto prode quid gestaueris,
 „ Et prode veste totâ: in opprobrium tui
 „ Pudoris & ruboris, i, nunc albica.

Hæc ille victor: retroactus ilicet
 Miser cucullus factus effusi fuit
 Noua lactis huius hydria; Adolphus suo
 Repente socio discolor totus, fuit
 Canis verendus factus in vestigio,
 Adeò capillos tinxerat lac impluens.
 Quid cogitasse crederetis filios
 Hoc Patris ausu? quid petulcos affecas?
 Fôrs erubuerint, fleuerintve, riserintve;
 Abiere. Rediit candidatus ad suos
 Adolphus; illum Ianitor vix agnitus
 Vix dicit intro, tam colore disparem.
 Adolphe viue, viue nobilissimâ,
 Illustris Heros, hac tui victoriâ,
 Adolphe dignâ te, & tuae vestis Patre, &
 Patre tam beato tam beatis filiis.
 Næ viator ille est, qui pudorem, qui metum
 Abire iussit exules, vt se Deo
 Proprius dicaret, & sacraret sanctius.

B. Franciscus de Borgiâ porcum gerit.

Ex Virtu, lib. 4. cap. 1.

DVM luculentus est mihi focus domi,
 Quid est necessum poscere è viciniâ?
FRANCISCVS etiam magnus heros BORGIA,
 Orbiique notus Hesperi, dux Gandiae,
 Idemque Pro-rex nobilis Valentiae,